



Inatsisartuni ilaasortaq Harald Bianco  
Inatsisartut  
/MAANI

**Tasiilami aalisakkanik tunitsiviliorinissaq pillugu § 37 naapertorlugu Harald Biancomit apeqqummut 2014-067-imut akissut.**

14-03-2014  
Suliap nr. 2014-097346  
All. nr. 1523354

Inatsisartut Suleriaasianni § 37, imm. 1 naapertorlugu Naalakkersuisunut apeqquteqarputit Naalakkersuisut aningaasaleerusuttunit avataanit saaffigineqarsimanersut Tasiilami aalisakkanik tunitsiviliorinissaq pillugu. Apeqqut uannut akisassanngorlugu innersuutigineqarpoq.

Postboks 269  
3900 Nuuk  
Oqarasuaat (+299) 34 50 00  
All: (+299) 34 63 55  
E-mail: apnn@nanoq.gl  
www.naalakkersuisut.gl

**Apeqqutit:**

Naalakkersuisut avataaniit saaffigineqarnikuuppat Tasiilami aalisakkanik tunitsiviliorinissamik, taakkunaniillu aningaasaleerusuttunik?

**Akissut:**

Aalisarneq pillugu Inatsisartut inatsisaata allanngortinneqarneranik Inatsisartut inatsisaanni nr. 24-mi, 18. december 2003-meersumi § 22a naapertorlugu Tasiilami aalisakkanik tunitsiviliorinissaq pillugu qinnuteqaatinik Naalakkersuisoqarfik tigusaqarsimanngilaq. Naalakkersuisulli uppersarsinnaavaat 2014-imi uumasunik assigiinngitsunik pisassiissutinik qinnuteqarnermut atatillugu allassimammat Tasiilami aalisakkanik tunitsiviliorinissaq siunertarineqartoq, annertussusilikkamik pisassiisoqarsimasinnaanera apeqqutaatillugu.

Aalisarneq pillugu Inatsisartut inatsisaata allanngortinneqarneranik Inatsisartut inatsisaanni nr. 24-mi, 18. december 2003-meersumi § 22a naapertorlugu Naalakkersuisoqarfik qinnuteqaammik tigusaqaruni qinnuteqaat akuersaartumik tigullugu suliarisavaa.

Inussiarnersumik inuulluaqqusillunga  
Med venlig hilsen

Finn Karlsen